



Innkalling
av
Plan- og miljøutvalet - styringsgrupper

Møtedato: 27.03.2019

Møtestad: Nordhordlandshallen, kantina

Møtetid: 15.00

Eventuelle forfall må meldast til epost: Folkevalde@lindas.kommune.no

Varamedlemmer møter berre etter nærmere avtale.

Områdeplan for Lonena - innhold i føresegner og kvalitetsprogram

Sakliste

25. mars 2019

Ståle Juvik Hauge
møteleiar

møtesekretær

Til Lindås kommune v/ Ståle Hauge

Byggjehøgder og tal etasjar, samt høve til å gjere seinere fråvik frå vedtatt områdeplan

1. Bakgrunn

På bakgrunn av signal frå styringsrappemøtet 06.03.19, kulepunkt 4, følgjer her ei utgreiing av grunnlaget for å fastsette byggehøgder og tal på etasjer i ein reguleringsplan.

Spørsmålet er konkret om det er heimel for å regulere høgda av bygnaden i føresegne til områdeplanen for Lonena gjennom ein regel om maksimalt tal på etasjer. Dette vil bli utgreia under pkt. 2 nedanfor.

Det blei i møtet også stilt spørsmål ved om områdeplanen sine ulike underformål av byggeformålet vil vere bindande for seinare detaljreguleringar. Svaret på dette vil bli nærmere omtala under pkt. 3.

2. Byggehøgder vs. etasjetal

Plan og bygningslova gir i § 12-7 pkt. 1 heimel for å regulere høgder på bygnaden som del av å fastsette utnyttinga av arealet. Lova og byggteknisk forskrift (TEK17) legg her opp til at det kan brukast ulike styringsverktøy for å regulere grad av utnytting gjennom føresegner om både etasjetal og byggehøgde, i tillegg til føresegner om maks bebygd areal, avstand, byggegrenser, krav til minste uteoppholdsareal, landskapstilpassing, terreng/planeringshøgde osv. Etasjetal og byggehøgde er omgrep som begge folkeleg blir brukt om kvarandre for å angje bygningar sine høgder, men som juridisk har kvar sine ulike definisjonar i TEK17, og ulike bruksområder i ein reguleringsplan.

Korleis byggehøgda skal nærmare fastsettast, er heimla i TEK17 § 6-2, der ein enten kan regulere dette gjennom møne- eller gesimshøgde fastsatt i forhold til terrenget eller ved å fastsette kotehøgde. Dersom ikkje område- eller detaljplan inneholder maks høgde, gjeld maks gesimshøgde 8 meter og maks mønehøgde 9 meter, jf. pbl § 29-4 første ledd. Maks etasjetal er også ein måleregel som kan brukast for å styre utnyttinga. Den har nærmare avgrensingar i TEK17 § 6-1, men den tek ikkje stilling til målte byggehøgder.

I Regjeringa sin rettleiar «Grad av utnytting», heiter det på s. 36 at «Det er ikke hjemmel for å sette høydebegrensninger i form av etasjetall. Se Kommunal- og regionaldepartementet rundskriv H-18/90 av 7. januar 1990.» (rundskrivet er oppheva og seinare erstatta av rundskriv H-8/15 til pbl § 29-4 som inneholder same presisering på s. 6 «Bruk av etasjeantall for fastsetting av høyder er ikke tillatt»).

Bakrunnen for denne presiseringa, er at etasjetalet er dårleg eigna som styringsverktøy for å regulere byggehøgde, då ei etasjehøgde kan vere svært variabel (frå 2,4 - 4,9 meter) og heller ikkje sikrar ønskeleg tilpassing til terrenget. Dermed vil ein slik måleregel gi svært uklare rammer for høgdeavgrensinga.

Det er med dette sjølv sagt fullt høve til å regulere etasjetalet i ein reguleringsplan, så lenge føresegne ikkje har som føremål å avklare byggehøgdene, men meir er retta mot å regulere ønska type busetnad («bygningstypologi»), t.d. konsentrert småhusbusetnad på maks 3-4 etasjar.

Ein områdeplan skal som kjent avklare dei meir grovmaska og områdevise hovudstrukturane i området, mens dei nærmere krava skal konkretiserast ved detaljregulering som gir grunnlag for gjennomføring av tiltak. Her er det viktig at rammene i ein områdereguleringsplan ikkje blir for snevre, slik at det stenger for mogelegheitene til å sikre lokalt tilpassa variasjon i bygnaden ved framtidig detaljregulering, som er ein av hovudintensjonen med planen. Av omsynet til nødvendig fleksibilitet, bør ei avgrensing av tal på etasjar ha vide rammer for å gi rom for meir terrengetilpassa høgdevurderingar basert på nærmere landskapsanalysar, som det ikkje vil vere naturleg å pensle ut på dette plannivået.

Opus foreslår på denne bakgrunn at det politiske ønsket om å styre grad av utnytting gjennom maks. etasjetal for blokkbygnad blir gjort med følgjande ordlyd i føresegndene :

3.1.1.3 Byggjehøgder

Lelieheitsbygg kan hovudsakleg førast opp med inntil 3-4 etasjar.

Maks mønehøgde skal setjast i detaljreguleringa av delfelt.

Mindre takoppbygg som trappe-/ heishus, ventilasjonshetter og liknande kan tillatast over oppgitte byggjehøgder. Slike tiltak kan maksimalt utgjere 15 % av takflata.

3. I kva grad vil plankartet med dei ulike arealformåla og føresegndene i ein vedtatt områdereguleringsplan vere bindande for seinare detaljregulering?

Utgangspunktet etter pbl § 12-4, er at ein reguleringsplan er bindande for «nye tiltak eller utvidelse av eksisterende tiltak». Lova skil ikkje mellom områdereguleringsplan og detaljregulering når det gjeld materielle rettsverknader. Den private har dermed krav på å få godkjent ein søknad om tiltak dersom den er i tråd med lova og innanfor rammene av gjeldande regulering. Her vil plankravet i planføresegndene § 5.1.1 sikre at søknadar om byggetiltak ikkje kan godkjennast før det er utarbeida detaljregulering.

Den private har derimot ikkje rettskrav på å få eit forslag til detaljregulering vedtatt, sjølv om den er i tråd med overordna områdeplan. Her heiter det i § 12-3, 3. ledd at private forslag «må

innholdsmessig følgje opp hovedtrekk og rammer .. i foreliggende områdereguleringer». Dei overordna rammene er med dette kun bindande for den private og ikkje for kommunen sjølv som reguleringsmynde. Det følgjer av pbl § 12-12, med førearbeid, at kommunestyret står fritt til å vedta forslag til detaljregulering, avvise forslaget eller sende saka i retur for videre bearbeiding, eventuelt med retningslinjer for det videre arbeidet. Kommunestyret har dermed inga plikt til å vedta eit planforslag som dei ikkje er einig i, sjølv om planforslaget er i tråd med overordna plan.

Kommunestyret kan med dette fritt vedta at t.d. områder vist som 'BBB' (blokkbebyggelse) i områdereguleringsplanen ikkje skal vidareførast, men endrast til føremål til 'BKS' (konsentrert småhusbebyggelse) i ein seinare detaljreguleringsplan, at etasjetalet skal vere mindre enn det som er oppgitt i føresegndene eller at gule område skal innsnevra til fordel for eit endå større frimråde.

Kommunestyret sitt vide høve til å gjere fråvik frå eigne overordna planar er begrunna ut frå at omsynet til demokratiet står sterkare enn snevrarevedteke utbyggingsinteresser.

Av omsynet til eit effektivt plansystemet og behovet for forutsigbarheit rundt dei rammene som er politisk vedtatt, bør overordna planar likevel følgjast for at publikum si tillit til dei styrande ikkje skal bli svekka. Svekka tillit kan i sin tur få negative konsekvensar for framtidig investeringsvilje blant

private utbyggjarar og investorar, som kommunen er avhengig av å samarbeide med i den vidare areal- og samfunnsutviklinga.

Bergen, 12.03.2019

Lene Loy,

Planleggar/jurist

Opus Bergen AS



Områdeplan Lonena

Presentasjon til styringsgruppemøte 27.mars

Lindås kommune

Rygir Tomteutvikling AS

Føremål med styringsgruppemøte 27. mars

- Vise korleis områdeplanen Lonena no svarar på styringssignalene som blei gitt 06.mars 2019.
- Gjennomgå forslag til føresegn og kvalitetsprogram, og korleis rammar er sikra.


Styringssignal styringsgruppemøte 06.03.19

1. Minimumsavstand mellom «Brekkeløypa» og nytt areal til bustadføremål BKB3 og avstand frå “Brekkeløypa” til parkeringsplass skal vera minimum 30 meter.
2. BKS i aust skal skrenkast inn som skissert av styringsgruppa 22.01.2019.
3. Områda skal bebyggast med hovudsakleg småhus/rekkehus/tomannsbustada.
4. Vi ber om ei utgreiing av fastsetjing av byggjehøgder og tal etasjar.
5. Grøntområde i areal avsett til bustadføremål skal i hovudsak ta vare på etablerte stiar/barnetråkk og etablerte samlingspunkt i området. Der dette ikkje er mogeleg/hensiktsmessig, skal det skildrast korleis slike stiar/tråkk/samlingspunkt vert erstatta. Grøntområde skal vera gjennomgåande i bustadområdet.
6. Areal avsett til samlingsplassar/leikeplassar skal vera opparbeida før midlertidig ferdigattest vert gjeve i kvart enkelt delområde.
7. Områdeplan “Lonena” skal utarbeidast som ein områdeplan med plankrav på alle delfelt til byggjeføremål.

Pkt 1 - Kommentert fra konsulent

1. Minimumsavstand mellom «Brekkeløypa» og nytt areal til bustadføremål BKB3 og avstand fra «Brekkeløypa» til parkeringsplass skal vera minimum 30 meter.



- OK.



Pkt 2 - Kommentert fra konsulent

2. BKS i aust skal skrenkast inn som skissert av styringsgruppa 22.01.2019.

- OK



Kart frå førre styringsgruppe møte

Pkt 3 - Kommentert fra konsulent (side1 av2)

3. Områda skal bebyggast med hovudsakleg småhus/rekkehus/tomannsbustada.
- OK. Sjå føresegns §2.1.2 + §3.1 og §3.2. Sjå særleg §2.1.2.2 og §2.1.2.3

Utvalgte føresegns for illustrasjon av handsaming i føresegn

2.1.2

Arkitektur, estetikk og kvalitet

Bygg og områder skal ha god materialbruk og utforming med god arkitektonisk kvalitet. Kvalitetsprogrammet skal vere rettleiande for vidare bygging og detaljplanlegging, og vil definere nærmere kvalitet i bummiljø, busettnad og uteareal.

2.1.2.2

Konsentrerte småhus skal i hovudsak vere rekkehus. Rekker skal ikkje verte for lange og dei skal ha naturlege brot med verdfulle mellomrom. Bygningar skal varierast i utforming og storleik for variasjon og mangfald. Plassering og orientering av busettnaden skal sikre gode lysforhold for bustadene, og i uteromma. Bygningar skal tilpassast terrenget.

2.1.2.3

Leilegheitsbygg skal supplere heilskapen i dei einskilde felta og gi ytterlegare mangfald til bustad-typologi.

For å unngå blokk-preg skal bygningane særskilt vurderast ut frå variasjon i utforming og fasadeuttrykk, skala, og korleis dei møter bakke-/gatenivå med kvalitetar for uteområda. Bygnadar skal varierast i utforming og storleik for variasjon og mangfald. Plassering og orientering av busettnaden skal sikre gode lysforhold for bustadene, og i uteromma.

3.1

Krav om detaljregulering - Plankrav (felt BAA,BKS, BKB)

Alle delfelt må detaljregulerast før tiltak kan tillatast. Dei einskilde felta kan ikkje delast ytterlegare opp, men kan regulerast i fleirtal:

- BAA1-2
- BKB2-4
- BKS1

-Tilhøyrande infrastruktur og uteareal

- a) Ved detaljregulering skal det dokumenterast korleis føresegns §2 er oppfylt.
- b) Generelle føringar for utarbeidning av reguleringsplan er gjeldande, med denne områdereguleringsplanen med tilhøyrande kvalitetsprogram som førande for intensjon for heilskapen for utviklinga av området.
- c) Ved detaljregulering av einskilde felt må desse sjåast i samanheng med full utbygging innanfor områdeplanen.

Detaljreguleringa skal klargjere detaljar om:

- Fordeling type bygg – og anlegg (typologi)
- Organisering av bygg, uterom og intern infrastruktur.
- Tal bueiningar
- Byggjegrensar
- Byggjehøgder
- Planeringshøgder/kotehøgder der det er naturleg.

Pkt 3 - Kommentert fra konsulent (side 2 av 2)

- Endeleg utnytting
 - Plassering og utforming av uteoppahdsareal og leikeplassar, renovasjon og trafo/energistasjon.
 - Implementere/legge til rette for samanhengande grønstruktur.
- e) Oppdatert trafikkanalyse må ligge føre ved kvart forslag til detaljreguleringsplan. Særskilt fokus på innslagspunkt for tiltak/endra/tilpassa tiltak ved fv57 og E39.
- f) Oppdatert VA-rammeplan
- g) Renovasjonsteknisk plan

3.2

3.2.1

Før rammeløyve

Utomhusplan

Ved rammesøknad skal det ligge føre ein detaljert utearealplan for mellomromsstrukturar / felles uteoppahdsareal. Utearealplanen skal vise opparbeiding og detaljer for vegetasjon og utføring, opparbeiding og overgangar mot private inngangsparti opp mot gate/uterom, samt spesifisere markering for køyrbare redningsvegar etc. med planlagde tiltak i ein heilskap. Det skal skriftleg gjerast greie for korleis føresegna er tenkt oppfylt. Utearealplanar skal vere i målestokk 1:500 eller 1:200 og skal fastlegge følgjande:

- Kva områder innanfor planområdet/feltet som skal ha universell utforming
- Gangvegar/snarvegar/trapper/murer
- Støyskjerming (dersom det er naudsynt)
- Miljøstasjon /avfallshandsaming
- Opparbeiding av uteområde og gate med definering av materialitet i fast dekke og vegetasjon.
- Plassering av leikeapparater
- Vise opparbeiding av fellesareal og overgang mot private areal/inngangsparti på bakkeplan.
- Synleggjere køyrebane for uthyrkingskjøretøy i eventuelt utforming av gatetun, uteoppahdsareal og gangvegar.

Pkt 4 - Kommentert fra konsulent

4. Vi ber om ei utgreiing av fastsetjing av byggjehøgder og tal etasjar.

- OK. Sjå vedlagt utgreiing , og føresegn 4.1.1.3

Kort fortalt: Tidligare tilbakemelding frå Lindås kommune sin administrasjon har vore at det ikkje var ønskeleg å bruke avgrensing av etasjetal med bakgrunn i rettleiaren «grad av utnytting». Utgreiinga er tydleg på at PBL derimot gjev moglegheit for å bruke etasjetal for å angje volumstorleiker, men ikkje for å fastsette byggjehøgde, då ei etasje kan vere mellom 2,4 til 4,9m høg.

Forslag til føresegn for byggehøgder basert på utgreiinga:

4.1.1 Fellesføresegn for bygningar og anlegg - bustadbygging (felt BKB, BKS og BAA)

4.1.1.3 Byggjehøgder

- a)Leilegheitsbygg skal i hovudsak vere maksimalt 3-4 etasjar, der naudsynt terrengtilpassing skal vere førande for endeleg utforming. Parkeringskjellar reknast ikkje med der denne i hovudsak er bygd inn i terrenget.
- b)Maks mønehøgde skal setjast i detaljreguleringa av delfelt.
- c)Mindre takoppbygg som trappe-/ heishus, ventilasjonshetter og liknande kan tillatast over oppgitte byggjehøgder. Slike tiltak kan maksimalt utgjere 15 % av takflata.

Pkt 5 - Kommentert fra konsulent

- 5 Grøntområde i areal avsett til bustadføremål skal i hovudsak ta vare på etablerte stiar/barnetråkk og etablerte samlingspunkt i området. Der dette ikkje er mogeleg/hensiktsmessig, skal det skildrast korleis slike stiar/tråkk/samlingspunkt vert erstatta. Grøntområde skal vera gjennomgåande i bustadområdet.

- OK. Sjå føresegn 4.1.5 særskilt.

Utvilte føresegn for illustrasjon av handsaming i føresegn

4.1.5

Uteareal

Uteareal skal sjåast i samanheng med formål grønstruktur / friområde GF– jfr §4.3 og krav til uteoppholdsareal jfr §4.1.1.5. Uteareal skal planleggjast etter prinsippa satt i kvalitetsprogrammet og i §2.1.2.4 og §2.1.3. Uteareal skal synleggjerast i detaljplanlegginga ref §3.1.

Grøntområde i areal avsett til bustadføremål skal i hovudsak ta vare på etablerte stiar/barnetråkk og etablerte samlingspunkt i området. Der dette ikkje er mogeleg/hensiktsmessig, skal det skildrast korleis slike stiar/tråkk/samlingspunkt vert erstatta. Grøntområde skal vera gjennomgåande i tilliggjande bustadområde.

2.1.2

Arkitektur, Estetikk, Kvalitet

2.1.2.4

Uteareal i dei ulike delfelt skal ta i vare dei einskilde krav til fellesareal, men og vere målepunkt i det samanhengande nettverket av stiar og grøne areal. Målepunkta skal utfylle kvarandre og bidra til, og mogleggjere, ei spennande vandring mellom utbygde og kultiverte areal, og dei naturlege stadeigne kvalitetane.

Utearealgrepa vert særleg viktig for identiteten til området sitt samspel med dei naturlege kvalitetane rundt Lona og områda rundt.

2.1.3

Terrenghandsaming

2.1.3.2

Val av utforming og plassering av bygg og opparbeiding av mellomromskvalitetar i uteromma skal medføre så lite behov som mogleg for tilpassingar av terrenget. Uteromma skal opparbeidast med modellering av naturleg landskap, bruk av vegetasjon etc for mangfoldig og interessant etablering av eit samanhengande brukbart/brukarvennleg offentleg rom.

2.1.3.3

Det skal planleggjast og byggjast samanhengande fellesareal slik at dei grøne strukturane i dei ulike delfelt innanfor planen kan sjåast som eit samanhengande nettverk. Kvalitetsprogrammet er rettleiande.

Pkt 6 - Kommentert fra konsulent

- 6 Areal avsett til samlingsplassar/leikeplassar skal vera opparbeida før midlertidig ferdigattest vert gjeve i kvart enkelt delområde.
- **OK. Sjå føresegn 6.3.3**

- 6 **Rekkjefølgjeføresegn**
6.3.3 Areal avsett til samlingsplassar/leikeplassar skal vera opparbeida før midlertidig ferdigattest vert gjeve i kvart delfelt.

Pkt 7 - Kommentert fra konsulent

- 7 Områdeplan "Lonena" skal utarbeidast som ein områdeplan med plankrav på alle delfelt til byggjeføremål.
 - OK.

Andre rammer sikra i føresegna

Føregående er det vist føresegna sin foreslårte handsaming av styringssignalene.

Føresegna fastsett også rammer for flere aspekt områdeplanen. Nokre er av meir tekniske karakter(VA, støy, renovasjon, parkering, veg etc), andre sett avgrensingar til angitt prosent utnytting for å definere type busetnad.

I tillegg supplerar kvalitetsprogrammet med rettleiing til ønskja utforming av bygnader og utehus. Kvalitetsrammane er meint å styre utnytting og kvalitetar i bestemt retning i tråd med dialogen og prosessen som har vore ført.

Rammer for utforming og utnytting(1 av 2)

Utvalte føresegn for illustrasjon av handsaming i føresegn.

Sjå elles fellesføresegn §2.1.2, resterande §4.1.1, og kvalitetsprogram for utforming.

4.1.1 Fellesføresegn for bygningar og anlegg - bustadbygging (felt BKB, BKS og BAA)

4.1.1.2 Utnyttingsgrad (§ 12-7 nr. 1)

Utnyttingsgrad er vist i plankartet for alle byggeformåla.

- Minimum 50 % av bueiningane innan kvart delfelt skal vere over 90 m²
- Maksimum 25 % av bueiningane kan vere mindre enn 50m²

Rammer for utforming og utnytting(2 av 2)

4.1.2 Bustadføremål – Konsentrert småhusbygnad (felt BKS1)

4.1.2.1 BKS1 skal utviklast med konsentrerte småhus - rekkehus.

4.1.3 Bustadføremål – Kombinert konsentrert småhus og blokk (felt BKB1-4)

4.1.3.1 BKB1-4 skal utviklast med kombinasjon av konsentrerte småhus, rekkehus og leilegheitsbygg i ein heilskap.

4.1.3.2 Utforming skal særleg ta omsyn til fjernverknad og miljø mot vegar og grønstruktur. Avdempande tiltak i utforming og tilpassingar til landskap og terreng skal gjerast greie for.

4.1.4 Kombinert bygg – Bustad/offentleg/privat tenesteyting/kontor(felt BAA)

4.1.4.1 Felt BAA kan ha kombinerte formål av konsentrerte bustader-blokk(1113), offentleg/privat tenesteyting(1361) og kontor(xxxx) + barnehage(xxxx).

4.1.4.2 Bustad - minimum 50% av bygningsmassen skal innehalde bustader.

4.1.4.3 Offentleg/privat tenesteyting skal særleg ta omsyn til kvalitetar som bidreg i nabolag og strøksoppbygging.

4.1.4.4 Kontor er avgrensa til mindre verksemder av lokal karakter, og ikkje større skala.

Rammer for friområde

4.3. Grønstruktur (§ 12-5 nr. 3)

4.3.1 Friområde(GF1-4)

Friområda skal oppretthaldast som hovudsakleg urørt naturområde. Tiltak for å fremje friluftsliv kan gjevast løyve til. Type tiltak og plassering må avklarast med kommunen.

Kvalitetsprogrammet - Lonena

- Krav om kvalitetsprogram er fastsatt i planprogram
- Det eksisterande kvalitetsprogrammet for Knarvik sentrum er førande
- Kvalitetsprogrammet gjev klargjering av utformingsprinsipp som er ønskjeleg at skal vere rettleiande for vidare planlegging og utforming.
- Kvalitetsprogrammet definerer målpunkt og vurderingskriterier for kvart av temaene.

Kvalitsprogrammet - Lonena

Kvalitsprogrammet er laga som prinsippavklaringar og som eit felles overordna miljø- og styringsverkty for vidare detaljplanlegging, prosjektering og kommunal handsaming innanfor dette planområdet. Programmet omhandlar dei tilhøva som har betydning for områdets totale sluttkvalitet.

Fra planprogrammet – Lonena:

"Det skal utarbeidast eit kvalitsprogram for områdereguleringa som viser korleis området er tenkt løyst med interne miljøkvalitetar, opplevingselement, tryggleik, fellesareal, felleshus, servicetilbod og grøntareal. Kvalitsprogrammet skal gi ei enkel skildring av tema, innhald og korleis kvalitetane skal sikrast i planen, t.d. gjennom plankart, illustrasjonsplan, føresegner eller avtalar."

Overordna kvalitetsprogram for Knarvik sentrum

«Kvalitetsprogrammet er retningsgjevande, og saman med dei juridiske føreseggnene og plankartet legg det grunnlaget for rettleiing til den framtidige utviklinga av Lonenaområdet. Kvalitets programmet held fast i ambisjonen for området heile vegen frå idé til innflytting, og gjev føringer for vidare detaljregulering av dei ulike utbyggingsområda og videre til bygesak.

Med områdeplanen ynskjer kommunen å legge til rette for utvikling av eit oppvekstmiljø rundt Lonena Knarvik, med gode grønne kvalitets som tek i vare dei naturgitte kvalitetane.

Kvalitetsprogrammet skal vera eit styringsverktøy for å oppnå ønska kvalitet, og sikre heilsakeleg utvikling. Dokumentet rettar seg mot alle aktørar som har roller i ulike fasar av utviklinga og utbygginga.

- *Gjennomgåande grøne fellesområde/fellestrukturar*
- *Kvalitet på uteromma og mellomromsareala og målpunkt/aktivitetspunkt.*

...»

Kvalitetsprogrammet- Lonena

2

OVERSIKT OVER KVALITETSMÅL

Bygnader og uteMiljø

- 1.01 Utbygging skal skape gode lokalklimatiske tilhøve med vekt på vind, sol og nedbør.
1.02 Utearealar skal planleggjast for leik og rekreasjon, og for å stimulere til sosialt liv-/uteromsbruk for alle generasjoner.
1.03 Det skal i størst mogleg grad skapast bilfri uteareal og mellomrom innanfor utbygd areal. Terregn og overflateareal skal i prinsipp ikke nyttast til parkering.
1.04 Det skal i størst mogleg grad skapast frodig, samanhengande blågrønstruktur og nettverk som knytter seg til Lonane friområde.
1.05 Området skal tilretteleggjast for gang- / sykkeltransport, og fremje transport via gange eller sykkel framfor bil.
1.06 Overganger mellom bustader/leilegheitsbygg sitt inngangsparti og private- eller felles uteoppholdsarealer skal vektleggjast.
1.07 Overflatevatn skal fortrinnsvis handsamast gjennom oppsamling i åpne bekkeløp/ fordrøyingsløysinger slik at avrenning til Lonane ikke aukast særsikt fra dagens nivå. Overvatn skal handsamast bevisst i utforming av bygnader og utehusareal.

Arkitektur og materialressurser

- 2.01 Arkitektonisk verdi og bidrag til omgjevnadene skal vurderast. Bygnader og utearealer skal forholde seg aktiv i tilhøve til kvarandre.
2.02 Innovativ og moderne arkitektur og typologiblanding skal brukast.
2.03 Fasader og volum skal varierast og delast opp for å bidra til å neddimensjonere bygg.
2.04 Avfallsmengde på byggeplass skal avgrensast, og gjenvinning skal brukast. Effektiv og kreativ materialbruk oppfordrast.
2.05 Utbyggingen skal vere tilpassa og forma med utgangspunkt i dei naturgejvne premissane og nærliken til Lonena.
2.06 Bygnadar skal utformast med omtanke for skala og samanheng. Bygnader skal hovudsakleg vere 3-4 etasjer høge, men det er terrentilpassing og arkitektoniske grep som kan gje gode argument for at mindre deler av bygg som er høgare. Arkitektoniske grep kan være avtrappingar, variasjonar som gjev kvalitetar, takform, avpassingar til sikt og soltilhøve, vegetasjon/terrasse på tak.etc
2.07 Variasjon i byggjehøgder er viktig for å unngå monotone uttrykk og einsidige kvalitetar i omgjevnadene, og bidrar til variasjon og dimensjonering av totalinntrykket av bygd miljø. Byggets høgde er ikke nødvendigvis avgjørende for kvalitetane i bygg, og omliggjande uteareal.

Energibruk

- 3.01 Alternative energikilder skal vurderast.
3.02 Samla felles energisystem for fleire delfelt skal vurderast.

Universell utforming

- 4.01 Universell utforming skal brukast så langt det lar seg gjøre for bygnader og uteoppholdsarealer.

Grønnstruktur

- 5.01 Lonena skal fremstå som grønne bustadområder.
5.02 Både fellesareal, private areal og mellomromsareal skal henge sammen i ein heilsakeleg grønstruktur.
5.03 Alle grønne areal skal utviklast med kvalitet – enten målpunktskvalitet eller samanhengskvalitet.

Kvalitetsprogrammet

Kvalitetsprogrammet omtaler følgjande tema:

- Plangrep og delområda
 - Samanhengende grønstruktur
 - Landskap og Natur
 - Blågrønstruktur
 - Overvannshandsaming
- Busetnad og anlegg
 - Byggjehøgder og tak/takform
 - Utforming
 - Fragmentering
 - Parkering under bakken

Moment i kvalitetsprogrammet er ei vidareføring /utjuring av føresegn i planmaterialet, da desse har klare juridiske formalkrav.

Kvalitetsprogrammet

Kvalitetsprogrammet opererer med kvalitetsmål, målpunkt og vurderingskriteriar som omgrep som er viktig for avgjerd, og vurderingar i vidare prosess og utforming.

Kvalitetsmål:

Kvalitetsprogrammet definerar innleiingsvis nokre overordna kvalitetsmål som plangrep og løysingar skal ta i vare. Desse supplerar føresegna.

Målpunkt:

Kvalitetsprogrammet brukar omgrepet målpunkt for å definere ulike punkter med ulik fellesskapskvalitet. Dette kan vere leikeplassar, utsiktspunkt, tilkomst til Brekkeløypa, andre fellesareal med punktkvaliteter (bålpanne for eksempel), mm
Det gis stor frihet og tillitt til at seinare aktørar og kommunen finner gode og kreative løysingar som tek i vare desse kvalitetane


Vurderingskriterier:

Kvalitetsprogrammet definerar vurderingskriteriar for dei einskilde tema. Dette som ein del av verktya for å vurdere løysingane som er foreslått og korleis dei møtar kvalitetsmåla.

Dømer frå kvalitetsprogrammet

Byggjehøgder

Byggjehøgder må settjast i dei ulike detaljreguleringsplanene. Utforming av bygg skal primært omsynta terrengtilpassing og plassering i høve til skyggekasting og bidrag av kvalitetar.



Byggjehøgde skal varierast


Prinsipielt skal bygg ikke være mer enn 3-4 etasjer over parkeringskjeller.

Prinsipielt skal bygg ikke være mer enn 3-4 etasjer over parkeringskjeller.

Vurderingskriteriar:

- Særlege argumenter, hovedsakelig grunnet terrengtilpassing kan på mindre deler av bygg gi mulighet for opp til 5 etasjer.
- Byggjehøgder er også avhengig av eit taklandskap som fungerer og ikkje gir et voldsomt, eller monoton inntrykk. Det kan difor være grunnlag for å variere byggjehøgde, ulike høgder, ulike tal etasjer, ulik takform, avtrappinger etc.
- Tiltak for avrenning – takutforming – grønne tak etc
- Nyttet etasjehøgde. Romhøgde/romkvalitetar etc

Kvalitetsprogrammet



Kvalitetsprogrammet

Utforming

Utforming av bygningsmasse skal være moderne og etter leve moderne krav. Utforming av bygningsmasse innanfor delfelta skal se til dei andre feltene og føre vidare, samt leggje nokon føringer for vidareføring av bygningsstruktur/mellomrom/samanhengande grønnstruktur.

Vurderingskriteriar:

- Arkitekturen skal være variert, men spille på lag/tilby variasjon av etablerte typologiar og utforming. Landskapsarkitekturen skal supplere og framheve stadeigne eigenskapar.
- Fasader skal ha eit gjennomtenkt fasadeuttrykk. Trematerialer skal fortrinnsvis brukast.
- Samanheng mellom fargebruk, materiale og opparbeiding av utomhusareal skal utfylle kvarandre. Vær merksam på «gløymte sider», ikkje glem «baksidekvalitetane».
- Mellomrommet – Rommet mellom bygningar, rommet mellom delfelt er vel så viktig for definere bygningsarkitekturen. Nokre stader er det kanskje ikkje naudsynt med komplekse bygnader om mellomroms/utomhuskvalitetane er av høg kvalitet og god utforming.

Oppsummering

- Områdeplanen for Lonena er justert og utarbeida i høve til styringssignalene gitt 06.03.19.
- Det er i denne presentasjonen gitt ei forenkla presentasjon av dei mest vesentlege føresegna som gjeld utbygging, utnytting og kvalitetar i framtidig område.
- Heilsakeleg planmateriale er ikkje levert inn til Lindås kommune for sakshandsaming ennå, og er difor ikkje heilsakeleg vurdert.
- Administrasjonen har likevel hatt førebels framlegg til føresegns på gjennomsyn for uformell kontrollsjekk, før denne presentasjonen og gjennomgangen med styringsgruppa. Den uformelle kontrollsjekken dreide seg om dei tekniske sidene ved føresegne, då planmaterialet ikkje er vurdert heilsakeleg av administrasjonen enda.